

1304, Juni 29.

157.

*Das Kloster zu Althaldensleben verkauft dem Kloster Berge für
22 Mark Stendal. Silber 1 Hufe zu Crive.*

Nos Iutta dei gratia abbatissa, Christianus prepositus, Gertrudis priorissa totusque conventus sanctimonialium in antiqua Haldesleve tenore presentium recognoscimus publice protestantes, quod nos de communi consensu nostri capituli habita super eo diligentि deliberatione et provido ac maturo consilio discretorum unum mansum situm in villa que Crive vocatur, cuius mansi proprietas ad nostram ecclesiam cum omni iure dinoscitur pertinere, quem etiam mansum tenuerunt a nobis Iohannes Rufus et Conradus de Zalowe, cives ville supradicte, sub certa annua pensione, que vulgo ervepacht vocatur, et inde singulis annis unum chorū tritici et unum chorū siliginis sine omni contradictione solvere consuerunt, et non obstante incendio aut rapinis vel schot seu exactionibus neque quibuslibet infortuniis sive damnis vendidimus ecclesie sancti Iohannis baptiste apud muros Magdeburgenses ordinis sancti Benedicti pro XXII marcis Stendaliensis argenti cum proprietate fructibus et proventibus ac omni iure, quo ipsum hactenus nostra possidet ecclesia pacifice et quiete, protestantes nihilominus in his scriptis, quod predictam ecclesiam super emptione et possessione supradicti mansi coram quibuslibet personis quicumque eundem mansum impetrare attemptarit intendimus et volumus per omnia warendare. Si vero, quod absit, predictam ecclesiam molestationem seu impugnationem in saepedicto manso contingere ita quod non possemus ipsam super eo certitudinaliter warendare, nos pecuniam supradictam ex integro tenebimus restituere et ex tunc idem mansus ad nostram ecclesiam libere redibit cum omni iure, quo prius ipsum nostra ecclesia possidebat. Ne igitur in posterum super eo cuiquam dubium oriatur, scriptum presens nostro nostrique conventus sigillis neonon honorabilis viri domini Christiani nostre ecclesie prepositi sigillo, sigillo insuper reverendi domini Alexandri abbatis de Ammesleve fecimus firmiter roborari. Testes huius rei sunt: dominus Iohannes plebanus forensis ecclesie in Magdeburch, Henningus Iohannis, Olricus Reinoldi, Bartoldus et Iohannes fratres dicti de Randowe, cives in Magdeburgh, et alii quam plures fide digni.

Datum anno domini MCCC quarto in die apostolorum Petri et Pauli.

Abschrift im Privilegienbuche S. 111—113 mit der Ueberschrift: Crive de uno manso. in cap. H XXI.